

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: 110/18**

Sarajevo, 22.10.2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 110/18 od 22.10.2018. godine, u postupku javne nabavke br. 110/18 „**Rekonstrukcija vodovodne mreže u dijelu ulice Stari drum**“ (od ul. Halid bega Hrasnice prema naselju Kovači) donosi se :

**O D L U K A**

o poništenju postupka javne nabavke

**Član 1.**

Poništava se postupak javne nabavke broj 110/18 za nabavku radova: „**Rekonstrukcija vodovodne mreže u dijelu ulice Stari drum**“ (od ul. Halid bega Hrasnice prema naselju Kovači) iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : 110/18 od 12.09.2018.. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 250.000,00 KM.

Obavještenje o nabavci broj: 247-1-3-221-3-318/18 poslato je na Portal javnih nabavki dana 14.09.2018..godine, a sažetak Obavještenja o nabavci je objavljen u Sl. glasniku BiH broj 65. od 21.09.2018.godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine, i dopunskim Rješenjem članova komisije br. 110/18-1 od 12.09.2018. godine.

Komisija za javnu nabavku dostavila je dana 22.10.2018.g. Preporuku o poništenju postupka javne nabavke za nabavku radova : „**Rekonstrukcija vodovodne mreže u dijelu ulice Stari drum**“ (od ul. Halid bega Hrasnice prema naselju Kovači) tender broj 110/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda : tri (3) ponude – „Bujice“ d.o.o. Konjic; „Ted Invest“ d.o.o. Sarajevo i „Mimas-ing“ d.o.o. Sarajevo
- da su blagovremeno zaprimljene: tri (3) ponude – „Bujice“ d.o.o. Konjic; „Ted Invest“ d.o.o. Sarajevo i „Mimas-ing“ d.o.o. Sarajevo
- da nije bilo neblagovremeno zaprimljenih ponuda,

Da dostavljene ponude ponuđača „Bujice“ d.o.o. Konjic, „Ted Invest“ d.o.o. Sarajevo i „Mimas-ing“ d.o.o. Sarajevo ispunjavaju zahtjevane TD uslove prema obliku i potpunosti u smislu pripreme ponuda.

Pregledom ponude ponuđača „Mimas-ing“ d.o.o. Sarajevo konstatovano je da isti ne ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Daljim pregledom ponude ponuđača „Mimas-ing“ d.o.o. Sarajevo, Komisija je konstatovala da dostavljeni Bilans uspjeha za 2015. godinu nije pozitivan, te time navedeni ponuđač nije ispunio postavljeni tenderski uslov iz tačke 14.1 tenderske dokumentacije „Ekonomska i finansijska sposobnost“ pod b.), gdje je navedeno da je ponuđač dužan da ima **pozitivan** bilans stanja i uspjeha za period ne duži od tri posljednje finansijske godine ili od datuma registracije, odnosno početka poslovanja u predmetnom segmentu, ako je ponuđač registriran, odnosno počeo s radom prije manje od tri godine, ako je objavljivanje poslovnog bilansa zakonska obaveza u zemlji u kojoj je ponuđač registriran; u slučaju kada ne postoji zakonska obaveza u zemlji u kojoj je ponuđač registriran dužan je dostaviti izjavu od nadležnog organa.

Konstatovano je i da ponuđač „Mimas-ing“ d.o.o. Sarajevo ne ispunjava postavljeni uslov iz tačke 14.2 „Tehnička i profesionalna sposobnost“ pod c.), gdje je navedeno da ponuđač u svrhu dokazivanja kadrovske osposobljenosti treba dostaviti : „**Ovjerenu kopiju Uvjerenja o položenom stručnom ispitu koja nije starije od tri mjeseca od dana ovjere (notar ili organ uprave) za diplomiranog građevinskog inženjera VSS**“.

Ponuđač „Mimas-ing“ d.o.o. Sarajevo dostavio je ovjerenu kopiju Uvjerenja o položenom stručnom ispitu, sa datumom ovjere 03.07.2018. godine, te time nije ispunjen postavljeni tenderski uslov koji se tiče starosti ovjere dokumenta.

Obzirom na navedeno, Komisija je utvrdila da ponuda ponuđača „Mimas -ing“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Pregledom ponuda ponuđača „Bujice“ d.o.o. Konjic i „Ted Invest“ d.o.o. Sarajevo konstatovano je da isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponuda ponuđača „Bujice“ d.o.o. Konjic i „Ted Invest“ d.o.o. Sarajevo, od strane stručnih lica je konstatovano da isti nisu ispunili zahtjeve definisane tačkom 15.3. tenderske dokumentacije.

- Ponuđač „Bujice“ d.o.o. Konjic u svrhu dokaza kvaliteta materijala koji je zahtjevan tehničkim opisima i uslovima tenderske dokumentacije u dijelu:

- **„Vodovodne cijevi“ (tačka 15.3 tenderske dokumentacije – vodovodne cijevi)**, je trebao dostaviti : „Tehničke kataloge ponuđenih proizvoda sa označenim ponuđenim proizvodom; kataloški broj (iz dostavljenog kataloga) za ponuđeni proizvod obavezno upisati u rubriku: "Redni broj" - Montažni radovi u predmjeru radova“. Navedeni ponuđač je dostavio katalog robe, ali proizvodi u katalogu nisu označeni i kataloški broj nije upisan u predmjeru radova.

- **„Vodovodne armature“ (tačka 15.3 tenderske dokumentacije – vodovodne armature)**, je trebao dostaviti : „Tehničke kataloge ponuđenih proizvoda, odnosno upisati kataloški broj (iz dostavljenog kataloga) za ponuđeni proizvod u rubriku: "Redni broj" - Montažni radovi u predmjeru radova“. Navedeni ponuđač je dostavio katalog robe, ali proizvodi u katalogu nisu označeni i kataloški broj nije upisan u predmjeru radova.

- **„Fazonski komadi“ (tačka 15.3 tenderske dokumentacije – fazonski komadi)**, je trebao dostaviti : „Tehničke kataloge ponuđenih proizvoda odnosno upisati kataloški broj (iz dostavljenog kataloga) za ponuđeni proizvod obavezno upisati u rubriku: "Redni broj" - Montažni radovi u predmjeru radova“. Navedeni ponuđač nije dostavio katalog. Potvrde iz TD nisu mogle biti komparirane zbog kataloga.

- **„Fleksibilne multijoint spojnice“ (tačka 15.3 tenderske dokumentacije – fleksibilne multijoint spojnice)**, je trebao dostaviti : „Tehničke kataloge ponuđenih proizvoda odnosno upisati kataloški broj (iz dostavljenog kataloga) za ponuđeni proizvod u rubriku: "Redni broj" - Montažni radovi u predmjeru radova“. Navedeni ponuđač je dostavio katalog robe, ali proizvodi u katalogu nisu označeni i kataloški broj nije upisan u predmjeru radova.

- Ponuđač „Ted Invest“ d.o.o. Sarajevo u svrhu dokaza kvaliteta materijala koji je zahtjevan tehničkim opisima i uslovima tenderske dokumentacije u dijelu:

- **„Vodovodne cijevi“ (tačka 15.3 tenderske dokumentacije – vodovodne cijevi)**, je trebao dostaviti : „Tehničke kataloge ponuđenih proizvoda sa označenim ponuđenim proizvodom; kataloški broj (iz dostavljenog kataloga) za ponuđeni proizvod obavezno upisati u rubriku: "Redni broj" - Montažni radovi u predmjeru radova“. Navedeni ponuđač je dostavio katalog robe, ali proizvodi u katalogu nisu označeni, kataloški broj nije upisan u predmjeru radova, već broj stranice iz ponude.

Takođe, je utvrđeno da nije dostavio sljedeće potvrde u okviru tačke 15.3. TD – Vodovodne cijevi:

1. Potvrdu od ovlaštene certifikacijske kuće da se kod nanošenja cementne obloge koristi isključivo voda za piće, prema Europskoj direktivi 98/83/CE i da je cement u skladu s normom EN 197-1,
2. Potvrdu izdatu od proizvođača o nanošenju gore specificirane legure u svrhu vanjske zaštite cijevi u skladu sa normom EN 545 kojom se potvrđuje kvalitet vanjske obloge,
3. Potvrdu izdatu od certifikacijske kuće, ovlaštene za certificiranje proizvoda prema EN 545 (akreditirane od strane akreditacijskog tijela koje je član EA – Europskog akreditacijskog udruženja), kojom se potvrđuje traženi kvalitet brtve a sve prema EN 681.1, ISO 4633 i

4. Potvrdu od ovlaštene certifikacijske kuće da je materijal za izradu brtve isključivo za pitku vodu, prema Europskoj direktivi 98/83/CE.

- **„Vodovodne armature“ (tačka 15.3 tenderske dokumentacije – vodovodne armature)**, je trebao dostaviti : „*Tehničke kataloge ponuđenih proizvoda, odnosno upisati kataloški broj (iz dostavljenog kataloga) za ponuđeni proizvod u rubriku: "Redni broj" - Montažni radovi u predmjeru radova*“. Navedeni ponuđač je dostavio katalog robe, ali proizvodi u katalogu nisu označeni, kataloški broj nije upisan u predmjeru radova, već broj stranice iz ponude.

- **„Fazonski komadi“ (tačka 15.3 tenderske dokumentacije – fazonski komadi)**, je trebao dostaviti : „*Tehničke kataloge ponuđenih proizvoda odnosno upisati kataloški broj (iz dostavljenog kataloga) za ponuđeni proizvod obavezno upisati u rubriku: "Redni broj" - Montažni radovi u predmjeru radova*“. Navedeni ponuđač je dostavio katalog robe, ali proizvodi u katalogu nisu označeni, kataloški broj nije upisan u predmjeru radova, već broj stranice iz ponude.

Takođe, je utvrđeno da nije dostavio sljedeće potvrde u okviru tačke 15.3. TD - Fazonski komadi:

1. Potvrdu o usklađenosti kvaliteta izdatu od ovlaštene institucije za ponuđene fazonske komade (akreditovane u skladu sa DIN EN ISO/IEC 17065:2013-01),
2. Potvrda o ispitivanju izdatu od akreditovane laboratorije u skladu sa ISO/IEC 17025:2005 kojom se dokazuje kako je ponuđeni proizvod zdravstveno ispravan te da se može koristiti za pitku vodu,
3. Potvrdu od ovlaštene certifikacijske kuće da se kod nanošenja cementne obloge koristi isključivo voda za piće, prema Europskoj direktivi 98/83/CE i da je cement u skladu s normom EN 197-1,
4. Potvrdu izdatu od proizvođača o nanošenju gore specificirane legure u svrhu vanjske zaštite u skladu sa normom EN 545 kojom se potvrđuje kvalitet vanjske obloge,
5. Potvrdu izdatu od proizvođača o nanošenju unutrašnje zaštite od epoxy sloja u skladu sa normom DIN 3476 kojom se potvrđuje kvalitet unutrašnje obloge,
6. Potvrdu izdatu od certifikacijske kuće, ovlaštene za certificiranje proizvoda prema EN 545 (akreditirane od strane akreditacijskog tijela koje je član EA – Europskog akreditacijskog udruženja), kojom se potvrđuje da predmetni proizvođač u svojoj proizvodnji nanosi epoksy sloj za unutrašnju zaštitu prema DIN 3476,
7. Potvrdu izdatu od certifikacijske kuće, ovlaštene za certificiranje proizvoda prema EN 545 (akreditirane od strane akreditacijskog tijela koje je član EA – Europskog akreditacijskog udruženja), kojom se potvrđuje traženi kvalitet brtve prema EN 681.1, ISO 4633 i traženi kvalitet dihtunga a sve prema EN 1514-1 i
8. Potvrdu od ovlaštene certifikacijske kuće da je materijal za izradu brtve i dihtunga isključivo za pitku vodu, prema Europskoj direktivi 98/83/CE.

- **„Fleksibilne multijoint spojnice“ (tačka 15.3 tenderske dokumentacije – fleksibilne multijoint spojnice)**, je trebao dostaviti : „*Tehničke kataloge ponuđenih proizvoda odnosno upisati kataloški broj (iz dostavljenog kataloga) za ponuđeni proizvod u rubriku: "Redni broj" - Montažni radovi u predmjeru radova*“. Navedeni ponuđač je dostavio katalog robe, ali proizvodi u katalogu nisu označeni, kataloški broj nije upisan u predmjeru radova, već broj stranice iz ponude.

Na osnovu navedenog konstatovano je da ponuđači „Bujice“ d.o.o. Konjic i „Ted Invest“ d.o.o. Sarajevo nisu ispunili zahtjeve ugovornog organa definisane tačkom 15.3. tenderske dokumentacije, zbog čega se ponude ovih ponuđača odbacuju kao neprihvatljive, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, utvrđeno je da su ispunjeni uslovi iz člana 69. stav 2. tačka d) ZJN za poništenje postupka javne nabavke, za predmetnu nabavku radova : „**Rekonstrukcija vodovodne mreže u dijelu ulice Stari drum**“ (od ul. Halid bega Hrasnice prema naselju Kovači)– tender broj 110/18 donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:  
-Ponudaču  
-a/a

A-  
Muzur!



**Direktor**

*Azra Muzur*  
Azra Muzur, dipl.inž.građ.